


瑜伽師地論

第八十三

二百三十一  
善三

49073



元祿九年丙子二月日重脩

皇圖永固 帝階綴昌

佛日增輝 懋合輪常轉

山城州天安寺法金剛院置



瑜伽師地論卷第八十三

彌勒菩薩說 沙門玄奘奉

詔譯

攝異門分之上

如是已說攝釋云何攝異門捨暝拖南曰

白品與黑品 異門等宜說 為開悟義字

略捨頌應知

別暝拖南曰

師第一二慧 四種善說等 亦有因緣等

施戒道廣說

此中大師所謂如來紹師即是第一弟子如

彼尊者舍利子等言襲師者謂軌範師若親

教師若同法者能開悟者令憶念者大師即



是立聖教者紹師即是傳聖教者襲師即是

隨聖教者閑許制止一切應作不應作故時

時教授教誡轉故當知即是能說傳說及隨

說者驅擯造作不應作故名能辨者慶慰造

作應作事故名勝辨者於前二事能開示故

名至辨者隨所生起一切疑惑皆能遣故名

善 瑜伽地論十三

能導者惡作憂悔皆能遣故名勝導者一切

煩惱及隨煩惱皆能遣故名至尊者於諸疑

惑能斷除者謂未顯義能顯發故已顯發義

令明淨故其深義句以慧通達廣開示故誓

許為作軌範尊重所依止故名第二伴隨轉

伴故名為善友宿昔同處居家樂故名為知

識父母宗親互相繫屬名憐愍者若非眷屬而施恩慧名有恩者言義利者名所求事能引義利樂為此故名樂義利言利益者名為善行樂為此故名樂利益言安樂者名安樂住益身心義樂為此故名樂安樂依現法樂名樂安穩依後法樂說名為樂相應安穩於一切事現正隨從故名信順若即於彼補特伽羅處所而起故名為信開彼功德及與威力殊勝慧已即於彼法處所而起隨順理門故名淨信即由如是增上力故身毛為豎悲泣墮淚如是等事是淨信相聞彼功德威力等已於行住等諸威儀中恒常信被實有功

德故名信述所言欲者若於是處樂作樂得  
言精進者發起加行其心勇悍言策勵者既  
勇悍已於彼加行正勤修習言剛決者發精  
進已終無懈廢不壞不退言超越者殷重精  
進言威勢者謂過夜分或前一更被服鎧甲  
當發精進言奮發者如所被服發勤精進或  
善 瑜伽師地論十三  
更昇進威猛勇悍發勤精進深見彼果所有  
勝利故名勇銳於勤修時堪能忍受寒等淋  
瀝故名勇悍由善了知前後差別於其勝上  
差別證中深生信順所有精進名難制伏於  
少下劣差別所證進修善中無怯劣故名無  
喜足言勵心者謂於精進所有障處一切煩

惱及隨煩惱諸魔事中頻頻覺察令心靜息  
言常恒者謂即於此正加行中能常修作能  
不捨輒言正信者謂於大師說正法時於此  
正法既聽聞已獲得淨信不於逸者謂得信  
已於樂出離障礙法中防護其心恒常發起  
善法修習言瑜伽者受持讀誦問論決擇正  
修加行言思惟者隨所受持究竟法義審諦  
觀察言憶念者於所觀察一切法義能不忘  
失於久所作久所說中能正隨念言尋思者  
即依如是無倒法義起出離等所有尋思所  
言智者謂出世間加行妙慧所言解者謂出  
世間正體妙慧所言慧者謂已證得出世間

惠後時所得世間妙慧言觀察者謂由無倒  
觀察作意審諦觀察已斷未斷有餘無餘言  
梵行者謂八聖支道及與遠離非正梵行習  
姪欲法又言安住餘梵行者謂三十七菩提  
分法彼由三處之所攝受謂由奢摩他故由  
毗鉢舍那故由修身念故如其所應彼自性  
善 瑜伽師地論十三  
故彼品類故此中信念俱通二品  
復次即此大師亦稱第一自義行故亦稱為  
尊他義行故亦稱為勝俱義行故亦稱為上  
映蔽一切諸外道故亦稱無上映蔽一切聲  
聞獨覺中下乘故復有差別言第一者共諸  
世間善圓滿故所言尊者共諸聲聞善圓滿

故所言勝者共諸獨覺善圓滿故所言上者  
於煩惱障得清淨故言無上者於所知障得  
清淨故後有差別言第一者於欲行善得圓  
滿故所言尊者於色行善得圓滿故所言勝  
者無色行善得圓滿故所言上者超過一切  
三界世間善圓滿故言無上者出世間善得  
圓滿故無足有情者如蛇等二足有情者謂  
人等四足有情者如牛等多足有情者如百  
足等有色有情者謂從欲界乃至第四靜慮  
無色有情者謂從定無邊處乃至非想非非  
想處有想有情者謂從欲界乃至無所有處  
除無想天無想有情者謂無想天非有想非

無想有情者謂非想非非想處所有生天如是略說品類差別顯示如來三種第一謂由蠢動故由依止故由心故

復次能得慧者謂捨攝一切能引義利所有善慧生長增益廣大慧者謂軟中上品增進

差別清淨慧者謂宿世串習經歷多時其慧

善 瑜伽師地論卷十三

成熟成辦惠者謂於諸煩惱遍知永斷圓滿

慧者謂即此善惠已到究竟無退慧者謂即

此善慧成無退法究竟出離言捷惠者速疾

了知故言速惠者慧無滯礙故言利慧者盡

其所有如其所有皆善了知故言出慧者於

出離法世間離欲能善了知故決擇惠者於

出世間諸雜欲法能了知故甚深慧者於甚  
深空相應緣起隨順諸法能了知故又於一  
切甚深義句皆能如實善通達故此中如來  
慧能制立聲聞等慧於所制立能隨覺了又  
大慧者謂即此慧長時串習故其廣惠者謂  
即此慧無量無邊所行境故無等慧者其餘  
諸慧無與等故言惠寶者於諸根中惠最勝  
故如末尼珠顯發輪王毗瑠璃寶令光淨故  
與彼相應故名慧寶皆得成就又慧眼者謂  
俱生惠言惠明者謂他所引則他所引善加  
行慧言慧光者謂即加行聞思成慧言慧曜  
者謂即由此修所成慧言慧燦者謂於如來

所說經典甚深建立等閱示故言慧炬者謂  
於法教隨量隨時能隨轉故言慧照者謂於  
彼彼所有諸法以其妙慧能善了知雖善了  
知猶隨他轉而未身證慧無闇者謂身作證  
其慧根者謂於他所證能遍了知增上力故  
諸所有慧言慧力者謂於自先後差別所證  
善 瑜師地論十三  
能遍了知增上力故由法道理無退屈慧言  
慧財者謂能招引一切自在最勝富貴隨獲  
自心自在轉故又此慧寶於一切財最為殊  
勝能為一切世間珍財根本因故如說慧劍  
及慧刀者謂能永斷一切結故言慧杖者謂  
能遠防一切煩惱天惡魔故言慧轡者縱意

根馬於善行地而馳驟故慧無墮者今諸身  
分不散壞故惠垣牆者遍於一切一門轉故  
慧階陞者加行道故慧堂殿者到究竟故為  
欲顯示垣牆等三復說三種所謂粵智種種  
粵智非一粵智又正見者能善通達真實法  
故有學慧者如理作意復能引發心善解脫  
慧善解脫又於後時諸有學慧謂預流果及  
一來果不還果攝諸無學慧謂阿羅漢菩提  
所攝若諸獨覺菩提所攝若諸如來最勝無  
上菩提所攝云何粵智謂能了知種種粵故  
若能了知十八粵者名非一粵智了知彼粵  
種種品類名種種粵智通達了知彼粵趣地

補特伽羅品類差別故又微細者能入真實  
其深義故言審悉者其能證入一切義故言  
聰明者謂與引發慧相應故言叡哲者謂與  
俱生慧相應故或復翻此眼者能取現見事  
故智者能取不現事故明者悟入盡所有事  
覺者悟入如所有事言義行者謂思所成善  
善 瑜伽師地論十三  
法攝故言法行者謂聞所成善法攝故言善  
行者施戒所成善法攝故調柔行者謂修所  
成善法攝故  
復次言善說者謂諸文句善圓滿故言善覺  
者謂能善現等覺義故言出離者謂世間道  
剷除衆苦得出離故趣等覺者謂出世道為

超衆苦而能真實現等覺故無差別者師與  
弟子所說文義相滋潤故不相違故有牽堵  
波者一切外道天魔及餘世間不能傾動故  
言有依者具足四依無失壞故大師如來應  
正等覺者謂所說教善清淨故此中諸句略  
顯四種善說法律最極圓滿謂初二句顯文  
義圓滿次二句顯果圓滿次二句顯行圓滿  
後一句顯師圓滿

復次佛世尊法有圓緣者謂有緣起制立一  
切所學處故有出離者謂有犯已制立如法  
還出離故言有依者謂由四依制立超越一  
切惡戒諸毀犯故有超越者制立遠離受用

欲樂自苦行邊隨順士用令成就故有神變者謂由三種所現神變為令獲得速疾神通無間制立正教授故

復次解脫捨者迴向涅槃故於施果中無繫著故常舒手者殷重廣施故樂棄捨者施前

正施及與施後意悅清淨無追悔故祠祀施

者一向如法不以凶暴積集財物時時數數

善 瑜伽師地論卷十三

周遍捨施所施物故捨圓滿者謂於福田而奉獻故於慧施中樂分布者謂於父母妻子等所時時平等而分布故如是一切捨有六

施一無所依施二廣大施三歡喜施四數數

施五田器施六攝受眷屬施此中依止品類

時處布施而說

復次廣說戒者中喩拖南曰

尸羅法殺生 具戒等廣說

言尸羅者謂能寂靜毀犯淨戒罪熱惱故又  
與清涼義相應故言律儀者謂是遠離自體  
相故言具足者謂正攝受無悔等故言清淨  
者攝受現行三摩地故又言善者謂能攝受  
可愛果故言無罪者謂能攝受自他利故言  
無害者謂能違拒執持刀杖鬪諍等事言隨  
順者隨順證得諸沙門果及餘所有勝功德  
故言穩覆者謂常穩覆自善法故言顯發者  
謂常發露自惡法故言端嚴者謂具攝受諸

少欲等所有沙門莊嚴其故言禪曰者攝受  
正見軌範淨命圓滿德故言無熱者謂正遠  
離自苦邊故言無惱者遠離受用欲樂邊故  
言無悔者謂正遠離染汙不樂憂感事故

復次善說法者道理所攝故住持勝德故毗

柰耶者隨順一切煩惱滅故所言聖者遠離

善

瑜師地論卷十三

一切雜染汙法令不生故又言善者能與無

罪可愛果故言應習者應習近故言善哉者

是諸聖賢稱讚事故

復次言殺生者謂如有一乃至廣說

黑品白品當知廣如有尋有伺地中已說

復次言具戒等皆廣說者謂安住具戒亦能

守護別解律儀乃至廣說密護根門若守護  
念若常委念乃至廣說於食知量於諸飲食  
思擇而食不為充慌不為憍逸乃至廣說進  
止往來正知而住乃至廣說如是一口廣說  
應知如聲聞地

復次廣說道者中喟施南曰

念住正斷神足根力覺支道支無量為後

為欲勤修四念住故發起上品猛利欲者謂

為斷除不正作意諸過失故言精進者謂為

斷除慢緩策勤諸過失故言策勤者謂為斷

除憍沉掉舉二隨煩惱諸過失故言勇悍者

不自輕慢故言勇銳者能抗外敵故不可制

伏者於少下劣不生喜足故言正念者不念  
教授故言正知者能不毀犯所毀犯故不放  
逸者不捨善軌故住熱光者能修懈怠對治  
法故言正解者能修毀犯對治法故念成辦  
者能修忘念對治法故調伏世間者能修貪  
憂善一切世法正對治故此中顯示勤修念住  
善 瑜伽師地論卷十三  
諸苾芻等應當修習四種對治  
復次於諸正斷諸神足中所有異名廣說應  
知知聲聞地  
復次於如來所安立正信等廣說應知如攝  
決擇分安住有勢力有精進有勇悍等廣說  
應知如菩薩地

復次簡擇諸法最極簡擇周徧尋思周徧觀  
察廣說應知如聲聞地已得無漏真作意故  
緣聖諦境一切無漏作意相應名為擇法言  
簡擇者摠取一切苦法種類為苦聖諦故最  
極簡擇者各別分別取諸苦故謂生苦老苦  
等極簡擇法者依此處所簡擇契經等法故  
所以者何依止此故先修所作又簡擇者謂  
審定解了最極簡擇者謂審定等解了極簡  
擇法者謂審定近解了前是尋求道今是決  
定道復有差別言解了者於所知事作意發  
悟等解了者既發悟已方便尋求近解了者  
求已決定

復次點了者了知分別體故通達者通達所知事故復有差別點了者了知自相故通達者了知共相故審察者謂能定取盡其所有如其所有先後漸次倍增廣故聰睿者先後漸次於彼義中無忘失故覺者謂堪能簡擇俱生之慧明者謂習所得慧慧行者謂能受善 瑜加師地論卷三持讀誦問論勝次擇等增上了別即於彼義轉增明十了勤修習慧毗鉢舍那者謂即於前所了別義審觀察故涉入者謂先尋思於所緣境作意思惟心涉入故納受者謂即於彼能攝受故推尋者謂取彼諸相故極推尋者謂取彼隨好故復有差別推尋者謂尋求心

極推尋者謂伺察心最極推尋者謂於得失  
推搆尋思極校計故聖教為依而起尋求說  
名尋思現量為依說名思惟比量為依說名  
分別耽離者增上意樂於遠離中起決定故  
遠離者謂從他邊受遠離故隨離者謂受已  
後能隨守護彼尸羅故還離者謂誤犯已即  
能如法而悔除故從此已後寂止律儀隨護  
尸羅寂止者由具忍辱柔和事故律儀者由  
具少欲慈心等故密護根門者自然不作故  
不作者由他不作故不行者由正了知不現  
行故不犯者不由失念而現行故橋梁者由  
此為依渡惡法故船筏者謂依對治誓能運

彼癡狂失道令渡相違障礙法故不喜樂者  
謂於遠離增上意樂極滿足故不違越者謂  
於一切所學衆中無毀犯故不棄捨故不異  
違越者謂於一分無穿穴故不棄捨故所言  
念者謂住其心故言等念者謂等住其心故  
如是廣說應隨九種心住差別如聲聞地當  
善 瑜伽師地論卷三十一  
知其相復次嗚拖南曰  
智宜說善欲 熾然獨遠塵 如病等解釋  
我斷盡生等 并天世衆生 依等我作等

智者謂聞言說為先慧見者謂見言說為先  
慧覺者謂覺言說為先慧知者謂知言說為  
先慧智者謂知不現見境見者謂見現見現

在前境明者謂無明相違解覺者謂實有義  
智覺者謂不增益非實有智慧者謂俱生生  
得慧明者謂由加行習所成慧現觀者謂於  
內現觀法已於諸法中非不現見非緣他智  
復次宜說者謂因他請問而為記別施設者  
謂由語及欲次第編列名句文身安立者謂  
次第編列已略為他說分別者謂略說已分  
別開示解其義趣開示者謂他展轉所生疑  
惑皆能除遣顯發者謂自通達甚深義句為  
他顯示教者謂不因他發起請問由哀愍故  
說法開示遍開示者謂無間演說不作師拳  
無所隱覆

復次初善者謂聽聞時生歡喜故中善者謂  
修行時無有艱苦遠難二邊依中道行故後  
善者謂極究竟離諸垢故及一切究竟離欲  
為後邊故義妙者謂能引發利益安樂故

文巧者謂善緝綴名身等故及語具圓滿故

純一者謂不與一切外道共故圓滿者謂無

善 瑜伽師地論卷三

十二

限量故最尊勝故清淨者謂自性解脫故鮮

白者謂相續解脫故梵行者謂八聖支道當

知此道由純一等四種妙相之所顯說諦聽

者謂於如是相法勸令審聽應善懇到者謂

勸令無倒無門殷重如理思惟

復次猛利欲者謂我何當於彼處所乃至廣

說猛利愛者謂於所修正加行中猛利樂者  
謂於說者及與大師尊重處等猛利信者謂  
於教法教授教誡

復次能熾然者謂為證得速疾通慧終不自  
暇推延後期發勤精進順瑜伽者謂隨尊教  
若等若勝而修加行終不減劣能永斷者謂  
能修習煩惱對治能閑居者謂依所有邊際  
卧具遠離而居修三摩地令現在前依三摩  
地修習對治

復次獨者謂處遠離邊際卧具無有第二而  
安住故言遠離者謂諸染汙無記作意不現  
行故無縱逸者謂於欲等尋思惡法防護心

故又於善中自安處故言熾然者謂如前說  
言發遣者謂除五蓋內持心故又由此故發  
遣其心令趣無上安隱處故

復次遠塵離垢者塵謂已生未究竟智能障  
現觀有間無間我慢現轉垢謂彼品及見斷

品所有麤重令永無故名遠塵離垢又復塵

善 瑜加師地論八卷

者所謂我慢及見所斷一切煩惱垢謂二品

十三

所有麤重於諸法中者謂於自相共相所任  
法中言法眼者謂如實現證唯有法慧言見  
法者謂於苦等如實見故言得法者謂隨證  
得沙門果故言知法者謂證得已於其所得  
能自了知我是預流我已證得無退墮法故

至識法者。謂諦現觀。增上力。故獲得證淨。於  
佛法僧及自所得。聖所愛戒。以正信行。如實  
至誠。故越渡惑者。謂於自所證。越渡疑者。謂  
於他所證。非緣於他者。謂於此法內。自所證  
非但隨他聽聞等。故非餘所引者。謂於大師  
所有聖教。不為一切外道異論所引奪。故於  
諸法中。得無所畏者。謂於自所證。若他詰問  
無悚懼。故言逆流者。謂已登聖道。故言趣向  
者。謂說神通究竟。往趣無退還。故復有差別  
當知。建立世俗勝義二種法。故  
復次。如說如病。乃至廣說云。何顯示彼如病  
等。非但說彼。猶如重病。乃至廣說。然修行者

先以如實無常等行於彼事中如實訶毀作  
 是思惟此如病等甚可厭逆為欲與彼不和  
 合故是故次說無常行等如實顯示觀察彼  
 果言無常者顯現生身及與刹那皆展轉故  
 刹那展轉者由彼彼觸起盡故彼彼受起盡  
 此相續見由非不現見非緣他智故所言苦  
善 瑜伽師地論卷十三  
 者有二種苦謂生等諸苦及諸所有受皆說  
十四  
 為苦此二種苦如其所應由見生身展轉有  
 故而得悟入謂死無間有生身生生已復有  
 老等諸苦是故說言無常故苦由見生身展  
 轉有故悟入苦性云何諸所有受皆說為苦  
 謂諸樂受變壞故苦一切苦受生住故苦非

苦樂受體是無常滅壞法故說之為苦此中  
樂受由無常故必有變壞一切苦受由無常  
故生住相續皆起於苦非苦樂受已滅壞者  
由無常故說之為苦已生起者滅壞法故亦  
說為苦此滅壞法彼二所隨逐故與二相應  
故亦名為苦云何當觀樂受為苦謂由此受  
貪所隨眠由隨眠故取當來苦於現法中能  
生壞苦如是當觀樂受為苦云何當觀苦受  
如箭謂如毒箭乃至現前常惱壞故非苦樂  
受體是無常滅壞法者謂已滅者即是無常  
其未滅者是滅壞法若無常者從此復生若  
樂若苦滅壞法者終不解脫苦樂二種所言

空者無常無恒無不變易真實法故言無我者遠離我故衆緣生故不自在故

復次解釋者謂能顯示彼自性故開示者謂即顯示此應遍知此應永斷等差別故顯了

者謂能顯示若不永斷不遍知等成過患故

了者謂了相作意解者謂勝解作意知者謂

善 瑜珈師地論十三

十五

遠離等作意等解了者謂了自相故近解了

者謂了共相故顯了者謂了盡其所有故通

達者謂了知其所有故觸者謂於八聖支道

梵行所攝作證者謂於彼果涅槃

復次我者謂於五取蓋我我所見現前行故

言有情者謂諸賢聖如實了知唯有此法更

無餘故又復於彼有愛者故言意生者謂此  
是意種類性故摩訶縛迦者謂依止於意或  
高或下故言養育者謂能增長後有業故能  
作一切士夫用故補特伽羅者謂能數數往  
取諸趣無厭足故言命者謂壽和合現存活  
故言生者謂具生等所有法故  
復次當斷諸愛止息諸結者謂適於聖諦得  
現觀時便能永斷三結於一切處後有之愛  
不復現行彼於後時數數勤修生滅隨觀復  
能無餘永斷慢等是故說言能正修習永斷  
諸慢真現觀故彼愛隨眠一切永斷由此因  
緣當來諸苦諸後有法無復可得又能究竟

作苦邊際。

復次我生已盡者謂第八有等梵行已立者  
謂於聖道究竟修故無後退失所作已辦者  
謂一切結永無餘故一切道果已證得故不  
受後有者謂於七有亦永盡故又我生已盡  
者有二種生一生身生此如前說二煩惱生  
善 瑜伽師地論卷十三  
此微薄故亦說為盡此則記別初之二果梵  
行已立者謂不還果非梵行貪此永斷故所  
作已辦不受後有者謂阿羅漢當知此中記

別四種解了行相

復次并天世間者是總句此有二種一并魔  
二并梵并沙門婆羅門衆生者謂諸沙門若

婆羅門生在人中希求魔梵而修行者并諸  
天人衆生者謂於天中除魔及梵於其人中  
除沙門婆羅門如是摠結解脫三縛出離欲  
貪又毗奈耶斷超越者毗奈耶由了相勝解  
作意斷由遠離等作意超越由方便究竟果  
作意言離繫者離九結故言解脫者解脫也  
切生老等故離顛倒者由見道故所言多智  
由修道故由彼修道多修習故說名為多言  
利益者謂諸善行言安樂者無損惱行言哀  
愍者謂如有一由諸善行無損惱行哀愍於  
他是所求事故能引義利故名之為善可愛  
樂故無有罪故為利益安樂者謂於彼起所

有善行無損惱行所言人者謂利帝利等若  
有因佛出現世間善說正法增善修行能多  
利益能多安樂或但自為利益安樂悲愍世  
間或但為他利益安樂或為二種是故說言  
為其義利利益安樂此中唯說天及人者彼  
有勢力能了其義修正行

善 瑜伽地論卷十三

十七

復次依者謂五取蘊及與七種所攝受事即  
是父母及妻子等所言取者謂諸欲貪亦名  
為取由不安立及安立故說有四取心依處  
者謂四識住言執著者謂諸煩惱能趣於依  
即名為纏彼品麁重說名隨眠如是名依取  
心依處執著隨眠於此有識身及外一切相

中者謂於我我所我慢執著。隨眠因緣境界相中。

復次我我所行者謂薩迦耶見言我慢者謂即此慢即彼諸纏名為執著。即彼麁重名為隨眠。執著多分是諸外道。隨眠通二。復次。暝柁南曰。

如來無常想  
空無常無餘

底沙怖無為

不有不相續

如來應正等覺等者。如經分別所言。應者應供養。故明行圓滿。所謂三明遮行。行行皆悉圓滿。又復四種增上心法。現法樂住。皆悉圓滿。前是行行。後是住行。此中清淨身語意業。

現行正命是行圓滿密護根門是遮圓滿中  
此二種顯示如來三種不護無忘失法由不  
造過世間靜慮遮自苦行言善逝者謂於長  
夜具一切種自利利他二功德故世間解者  
謂於一切種有情世間及器世間皆善通達  
故由善悟入有情世間依前後際宿住死生  
善 瑜伽師地論卷十三  
依一切時八萬四千行差別故於器世間十八謂  
東方等十方世界無邊成壞善了知故又於  
世間諸法自性因緣愛味過患出離能趣行  
等皆善知故無上丈夫調御士者智無等故  
無過上故於現法中是大丈夫多分調御無  
量丈夫最第一故極尊勝故天人師者由彼

天人解甚深義勤修正行有不能故言佛陀  
者謂畢竟斷一切煩惱并諸習氣現等正覺  
阿耨多羅三藐三菩提故薄伽梵者坦然安  
坐妙喜提座任運摧滅一切魔軍大勢力故  
此中如來是初揔序應正等覺謂永解脫一  
切煩惱障及所知障故於其別中略有二種  
所謂共德及不共德於共德中且說解脫諸  
煩惱障及所知障自餘明行圓滿等句是不  
共德

復次於無常想素咀纜中修謂若修若習乃  
至廣說修果謂一切欲貪乃至廣說修差別  
謂譬喻差別故修方便謂或住阿練若乃至

廣說此中若修者謂由了相作意故若習者  
謂由勝解作意故多修習者謂由餘作意故  
又若修者謂於所知事而發趣故若習者謂  
無間殷重修加行故多修習者謂於長時熟  
修習故為處者作所依故為事者作所緣故  
隨順者由作意思惟故串習者得隨所欲無  
善 瑜伽師地論十三  
艱難故善攝受者聽聞正法故善發起者於  
內如理作意思惟故又善攝受者殷重修作意  
故善發起者無間作意故又善攝受者到究  
竟故善發起者正加行故隨順欲貪故說於  
掉隨順色貪故說於慢順無色貪故說無明  
拔除根本者害隨眠故摧拍技條者下地善

法由彼泐滅不增長故以無常想所緣顯示  
無常想自心作意觀無常故臺閣者謂解脫  
俱行無常想梁棟者謂彼依因象跡者謂於  
不淨等想為第一故所緣廣大故流注者謂  
解脫因俱行無常想能趣涅槃故日出者謂  
能對治無明闇故如輪王者謂無學無常想  
如城王者謂所餘想又或居阿練若或居樹  
下或居空室或居迴露由取樹下覆障等故  
即攝一切外具遠離唯有色無常性者謂唯  
有色都無有我如是正修加行  
復次略有四種往趣道障二種道等謂由疑  
故不能發趣雖復發趣由邪尋思而往餘處

由邪分尋思見行故雖無是事然不堪任教  
授教誡所言忿者謂他諫諍時言吾惱者謂  
出家者不得自在禁約艱難屢弊行等言不  
樂者難順事故此之二種猶如坑澗又此二  
種能障行路雖無是事而由利養及恭敬故  
於入山林能為障礙言猛利者處深稠林故  
一善 瑜伽師地論十三  
所以者何雖捨所攝受事而不能捨此故  
二十  
後次言有怖者謂有盜賊及矯詐故言有畏  
者謂涉稠林故有諸惡獸及與非人諸恐畏  
故言有刺者謂一切處多毒刺故言失道者  
往餘處故言惡道者不平正故如是五種顯  
道過失弊趣惡趣者顯示趣過失失道惡道

而行及親近不善士者顯示能行補特伽羅  
所有過失諸盜賊等名不善士

復次無動者謂一切相皆遠離故無轉者謂  
貧愛盡故於諸境界無轉變故難見者謂甚  
深故甘露者謂生老病死皆永盡故安隱者  
謂超過一切人與非人災橫怖畏故清涼者  
謂一切苦皆寂滅故極清涼故善事者謂現  
法樂住所緣境故趣吉祥者謂斷一切煩惱  
所緣境故無愁憂者謂超過一切愛非愛故  
又證得已無失壞故不死歿者謂常住故不  
退還故無熾然者謂清淨故無熱惱者謂所  
欲匱乏永止息故無病者謂一切病諸癰瘡

等永寂靜故無動亂者謂一切動亂皆滅盡  
故涅槃者謂一切依皆寂滅故

復次我何當不有我所何當不有者謂約未  
來世於我我所性所攝內處外處所攝自內  
體性及攝受事希求不生故又復顯示希求  
依止不生故及希求依彼受不生故我當不  
善 瑜伽師地論卷十三  
有我所當不有者謂約現在世說此觀無常  
滅前觀於擇滅又前但有希望故後於現在  
因觀無常性故

復次不相續者謂死歿已後餘識不生故言  
無取者謂無所住識無有趣入名色事故自  
體永不生故無生長者謂無有名色更增廣

故言一切行皆寂止者謂諸五蘊皆止息故  
復次所言空者謂離一切煩惱等故無所得  
者謂離一切所有相故言愛盡者謂不希求  
未來事故言離欲者謂無現在受用喜樂故  
所言滅言語餘煩惱斷故言涅槃者謂無餘  
依故

復次言無常者謂性破壞朽敗法故言有為  
者謂依前際所尋思故言造作者謂依後際  
所希望故言緣生者謂依現世衆因緣力所  
生起故有盡法者謂一分盡故有沒法者謂  
全分滅故又有盡法者謂全分滅故有沒法  
者謂相續變壞故有離欲法者謂過患相應

故有滅法者謂一切有為法皆有出離故

後次無餘斷者謂是總句永棄捨者諸纏斷

故永變吐者隨眠斷故言永盡者過去解脫

故永離欲者現在解脫故言永滅者未來解

脫故永寂靜者由見道故永滅沒者由修道

故當知此中由二種道斷煩惱事顯無餘斷

善、瑜伽師地論八十三

十二

# 瑜伽師地論卷第八十三

善

襲音習軌音紀範下音勇悍下音鎧甲上音又苦音愛音及奮音

方問音銳音俞音歲音淋瀝二字音輓音厄音蠢音尺音尹音捷音葉音

及音纏音馳驟下音瘦音及垣墻上音九階音階下音蒲音穀音

哲上音歲音反率堵下音觀音祠祀上音詞音伺音相音寺音

抗及苦浪點及閑八構及古候舩筏下音編必綿師

捲下負及巨緝綴上七人及暇音推延上工詰問

一及起摩納縛迦云年少淨行咀纜上丁及暹及

練若下而匱求位

善 瑜伽師地論八十三

山城國綴喜郡薪村

火三

靈瑞山酬恩菴沙門宗徒書寫之

